


解飲積

春水書

集巖

詩詩

集集鈔



解春集詩鈔目錄

卷一

人日糧儲大參何公招游西湖竟日同淮陰杜湘草大梁周雪客以舫名春浮分韻二首

贈盛郎中四首

答宗人

春雨登樓曉望

題諸葛武侯畫像

贈桃源老隱

觀虢國圖歌

題周參軍雪客廬山乞食圖六首

送山陽劉行人文起奉詔頒赦北還省母

賦得樓觀滄海日

題何公子書劍圖

童子胡盧諸顏戲作

暮春晚步蘇隄書事因憶杜黃鸝

望雨

入樊中登後樂山望千竿園有懷

雙鹿

齒痛

夜讀左傳有感

遊子行責山西田秀才

送僧歸廬山

題吳石蒼納涼圖

齊威贊

青門公六十初度賦贈

六月十八日喜雨作二首

李白山喪聰慧兒書此慰之

書湖上所見二首

畢二從征出塞寄贈

北征大捷五首

送宋懷斯歸敍州

題金谷園畫障二首

秋風起不寐作

八月十五夜場屋聞雁

題熊生三緘圖

放榜夜自笑

吳寶崖試卷呈堂主司黜之書慰

秋夕過北郭汪園懷寓昭兼憶舊遊二首

由陽邱念祖舉孝廉却寄

條籠雙白鸚鵡時有凌霄之意感而賦此

逐鹿行

周節婦

亡友金柱臣妻劉苦節無依予冬存其廬悲傷有作

夜郎人來寄寓昭一絕 錢局牛鳴

冬夕與吳天濤汪少孤飲觀我軒登山看月
簡慰天濤

仲冬望夕復同汪吳飲觀我軒看月次天濤韻

贈顧企賢

卷二

早春載酒游湖上

望孤山作

阿生粗解論語賞之以果

湯西厓典試貴州歸里遺予永英雄精答之以詩

湖畔麗人呼舟同載 讀酷吏傳

苦雨三首

西園連理藤趙公子斫製爲杖戲贈

三月三日同袁謝遊

題柳樓思婦圖

風鳶有剪紙爲宰官駕車直入雲際者戲成二絕

新霽夜放燈鳶

冰子羨銅山書此曉之

寒食遊西湖竟日

山墩掃墓歸舟書懷

望前一夕飲問心居與諸子賭決明日陰晴

望日果雨諸子出酒肴相餉

蔣荆名七十醉吟和 題九龍畫圖

乞顧生畫山水 聽黃生彈琴

雨中游西湖 醉舞雙棒戲成

西園桃花一本二色 閒步西園主人留酌

惜春 閏三月朔日有食之

桃花爲頑童搖落 與諸子再酌西園

辭青門學士別業卜居木場巷

題南溟子醉讀圖 題囊琴趺坐圖

題孫霜瞻垂釣圖 池中科斗聚游如墨童子置而陸曬之因示

袁去塵跋而縮頭諶之致慍飲酒解嘲

游孤山 閏三月三日

遷居二首 趙三公子年方壯而舉七子有贈

春盡喜晴夕登水閣送孫大東歸

夕與諸公飲月下賞牡丹用前韻

題皇甫雄赴友難圖 二美覲入樊襪病同舍郎約觀不往

立夏夕會飲後樂山看月聞笛卽席分韻
月夜與諸寓公步觀我軒拈令品茶石榴花下
歎劍 主孟之疾深矣占言壽永有慨

寄懷鐵夫上人時住焦山

苦雨贈方爰甫 端午書懷

蕭山歸雅軒夜集贈張吳陸三子

輓施叟 金侯餉米

題吳生擊壺圖

卷三

題乘龍圖 題西溪畫二首

祥文上人視主孟病 賣珠兒墮水戲成二首

題程生畫九龍圖 江邨學士終養歸卻寄

臥病杜門作 南齋遣興七首

題轉菴上人小影 題仇十洲畫猿

春日同吳沈二子數飲閒閒軒雜詠六首

暮春遊閒軒書示學徒

題高雲客鶴券圖

園中有捕蛙蛇者口拈戒之

表節詩

銅鑲烏几爲同舍郎換去戲成二首

富平王謙若坐椅爲同舍郎竊去換以破藤戲成不平三首

戲友卜財

題柴陞升舉杯白眼望青天圖

清冷泉月光

烈女孫秀姑歌

秋生一女名之曰祥兆

送方伯出獵

秋日醉登湖山絕頂同趙公子作

方伯以陝搗十三經送貯杭州府學喜而作歌

藩中夜祭靈星以祈穀

傅秀才以貧故辭婚中表戲書慰之

吳寶崖四十自壽六首次韻

再次前韻六首寄寶崖

漫興六首仍次前韻寄寶崖

望晴

入冬見無衣食人甚多愴然有作

夢沈方舟索筆戲書 湯西崖妻劉輓辭用東坡挽孔毅父妻韻

寄雲客述意時游甬東并索近著四首

十月望日有懷彭無山先生

短歌風蕭山令 客自北來言優孟事二首

觀八陣圖有感老杜遺恨失吞吳之句

除夕戲題十美圖三絕句

題三望圖

解春集詩鈔卷一

清 錢塘馮 景山公撰

自序曰樊中者何。藩中也。藩則曷爲曰樊。曰樊。藩也。爾雅釋言云爾。折柳樊圃。詩註因之。予自康熙丙子迄戊寅。靡於茲三稔。神非不王也。蓋若澤雉之畜。然時復鷺然而鳴。人懷好音。得詩文如干首。遂存而不逸。文別錄。詩從雲客評。他評則字以別之。凡三卷。○評不錄

詩六十四首

時丙子年春。讀書千竿園。夏初。天水方伯固邀入曠作。

人日糧儲大參何公招游西湖竟日同淮陰杜湘草大梁周雪客以舫名春浮分韻二首

雪霽風柔鳥哢春。茲遊真屬最良辰。舟因訪友還頻泊。酒爲看山不記巡。佛寺舊名尋瑪瑙。岳墳新築拜麒麟。留連勝地都堪詠。一路梅花更可人。

芝草何須覓祖洲。六橋景色勝丹邱。遊山屐印雪花軟。調水符牽澗藻浮。淮海詞人老蘊藉。大梁公子醉夷猶。使君好客無時倦。不待桃開秉燭遊。

贈盛郎中四首并序

去年冬。邂逅盛君誠齋于吳山僧舍。雖齒危髮禿。而蒼顏映麗。但重聽耳。自言耄年。寄客。禁齡久之。然予每過。見其服饌華侈。非倦遊者。於其歸。賦此贈之。

五鹿三鳥過便忘。異書曾記讀聊蒼。如君九牧知名氏。愧我新交盛孝章。
綴帽光搖青亞姑。伊蒲饌飽紫瓊腴。一逢白社榮孫楚。好事爭傳威蓋圖。
甲旦來關門杜局。苔龕香裊曼陀青。紅裙錦髻周弘正。也踞精藍看講經。
三耳雞冠笑此名。那煩蟻鬪詫牛鳴。此中自有兜牟國。不礙雙童駕犢行。

答宗人

吾翁卽若翁。疇昔一日三顧疾病中。卿兄猶我兄。本趙子龍答趙範語今茲三句九食緩急通。異姓尙然明施報。何
況而我同厥宗。今人薄惡忘舊故。一本猶自立門戶。乾餼失德時操戈。三款角弓及杖杜。卿今報我黃絹
辭。繆以豪俠名歸之。譬如燎原總不著。螢火萬點燒須彌。

春雨登樓曉望

濛濛春雨洗烟鬟。雲障遙空萬象閒。獨上高樓迷曉望。夜來飛去鳳凰山。

題諸葛武侯畫像

管蕭真不忝。陳壽評伊呂豈虛稱。彭蒙與孔明書足下當世伊呂也。誰料英雄主。終同劉景升。

贈桃源老隱

戴笠夫須勝切雲。覆檐狼尾。爾雅注。似茅。今覆屋。代魚鱗。都忘歲月不知漢。但閱桃花三百春。

觀虢國圖歌

號國夫人淡掃眉。玉顏不屑汗胭脂。兄妹貴寵震天下。隊合往往五色迷。爛若萬花繡川谷。導以劍南新
旌旗。遺錙墮鳥擲璣珠。狼藉滿路總不知。五家第宅擬宮禁。珍奇貢獻分諸姨。丞相竝驅雙百炬。不避人
笑。英雄狐綏。出入掖庭壓公主。那知樂極還生悲。鞞鼓轟天漁陽至。魚鳧鳥道高險巖。紫茵裏屍除禍本。姊
妹先後黃泉隨。爾時號國棄富貴。亦有奔走陳倉時。陳倉縣令好男子。義憤誅淫率吏追。乘馬走林剽不
死。賊乎國乎問何癡。賊與國家互有之。吏答殊妙耐人思。昔年繁華真須臾。好花妖豔狂風吹。開元天子
幾上治。太平誰致亂者誰。披圖見此傾城姿。感激往事怒復嗤。詩不妄作要垂戒。竊比長恨連昌辭。

題周參軍雪客廬山乞食圖六首

圖畫衲衣
持鉢

幽討縱觀天子障。

山海經·廬山
曰天子障

匡泉千丈滌塵胸。憑他界破青山色。都卷銀河入鉢中。

匡廬三嶺接空青。嶄絕峻嶒人罕經。太史公遊曾造極。君今躡跡涉天庭。
五斗淒涼干祿微。青袍不敵水田衣。侏儒飽死真無謂。曼倩先生本樂饑。
不願烹鯖出五侯。一瓢一鉢自風流。金堂玉饌擔憂甚。羨爾千山握粟遊。
髣髴魚山白足僧。忽傳面目到西陵。岐方易驗難醫熱。展此寒生萬壑冰。
已上廬山三石梁。忽然如指變虹長。仙人坐桂留吳猛。休竊瓊杯甘露漿。

事詳潯
陽記

送山陽劉行人文起奉詔頒赦北還省母

夜封三錢鶴書下。嘉平四出輜軒駕。向吳分野使星明。行人來澗頒恩赦。宣揚上德挾纘溫。協風處處飄。

青旛窮檐寒谷春皆滿。樂比中衢置酒樽。直須兩峯劖作鷗鷺杓。西湖便釀蒲萄綠。南國大酺士女歡。行人真是豐年玉。使館弛囊十日留。六橋花柳烟光浮。玉簫金管青雀舟。香車寶馬隄上游。此閒風景差不惡。行人耿耿猶隱憂。憂兵飽食夜作賊。衙官裹手捉不得。天子仁聖百姓醇。惟有此風卒難革。我聞斯語心忡忡。高閤厚牆猶伏戎。爲虺弗摧蛇毒螫。馴致其道安所終。狂生大呼人盡聾。徒存渺論荒文中。三年曠隔行人面。高軒枉顧蒙深眷。未怪貧來白眼多。翻夸老至蒼毫健。因述上元道過淮。歸覲慈幃歌南陔。君言不宿趣就道。畢事來諗良可懷。旋驢計程那容緩。逆數歸期三月半。春深麥秀白蝶飛。日暮江迴碧山轉。朝衫徑作老萊衣。壽母飲和顏色怡。櫻桃初熟鱖魚肥。燒尾食單香馐餽。以供甘旨樂不樂。小人有母食麤惡。負郭田荒聊代耕。長安米貴終難索。送君北首立河梁。桃花萬點啼鳥黃。努力登朝我老牖。更期後會春茫茫。

賦得樓觀滄海日

大海迷一沫。齊州封九烟。鴻濛疑未剖。雲水遠相連。傑閣凌虛出。高臺絕險懸。碧城圍十二。丹級上三千。逸景龍方睡。含芒鳥未窺。陰霾散蒙汜。沐浴出甘泉。帝俊妻羲和生十日。常浴于甘泉。出山海經。霞裏瑛盤赤。波分火齊圓。金輪俄吐半。賴卵忽呈全。自旭移亭午。將晡迄大遷。魯陽揮晚矣。夸父渴終焉。遐矚渾無地。栖神別有天。何年到日觀。獨立泰山巔。

題何公子書劍圖

我有長鋏無處彈。讀書萬卷冬衣單。公子翩翩最豪舉。熟此二物如弄丸。劍一人敵不足學。書記姓名猶可觀。我欲從君倚天外。豈肯瑟縮終儒冠。春遊碧山碧。秋醉丹楓丹。有時舞玉櫺。四壁電合龍蛇蟠。有時展縹帙。千年傀儡重登壇。左文右武及時用。白日一去揮戈難。

童子胡盧諸韻戲作

東西南北繞諸毛。潞涿君猶髭兩髦。若使于思盡纏帛。笑聲應比士龍高。

暮春晚步蘇隄書事。因憶杜黃鵬。湘草詠黃鵬得名。

水色接藍山半青。晚鐘徐動落霞明。美人弄春映花立。浪子聽歌沿月行。蚱蜢舟中魚換酒。櫻桃樹下馬奔城。此時最憶淮南客。不詠黃鵬亦繫情。

望雨

福習麥神。枯黃霽殖。荳神。雄赤雲如火燎原燒。吾家樹德方高臥。雨師名馮修。號曰樹德。見雲笈七籤。小馬黃冠慶忌驕。本韓非子

入樊中登後樂山望千竿園。補儲有懷。

瓦綠魚鱗竹屋低。虹梁高互絕攀躋。倒垂柏葉張青蓋。亂點薇花簇紫霓。仙跡當年松化石。南宋祥徵昨夜鹿生麋。蓬壺咫尺仙凡隔。風動琅玕望欲迷。

雙鹿并序

丙子孟夏不雨。迄于臯月。方伯步禱三日而甘霖降。予始至莫府。夜生一鹿。甲子日又生一鹿。賦

雙鹿詩

孟夏一月晴。山農紛怨譟。草木自莽莽。窮黎饑欲哭。久不舞商羊。溝塍變平陸。豁達天水公。帝命藩南服。麥黃蠶繭黑。緩下催征牘。謁雨步泥塘。千山出新沐。發袂競插秧。豐年不煩卜。束皙通神明。長生民共祝。紅塵雙產廬。眉心青花簇。如畫雲滿身。或云降遐福。漢有鄭巨君。隨車致霖霖。春旱得甘雨。白鹿夾雙轂。主簿賀吉兆。三公畫車輻。梁有吉士瞻。夢鹿果多祿。此瑞將無同。行爲九州牧。筆札日夕煩。鰥生徒鹿鹿。

齒痛

王喬無病狗頭好。

本焦實
易林

左第二牙痛不了。素餐麤糲尙難消。何況官廚醢魚鳥。刀俎至痛供一餐。晨晡

夜鯉羅品盤。老饕大嚼豈不快。此時齟齬笑亦難。噫吁嘻。腐儒分合飽藜藿。垂頭更歎西堂鶴。

時鶴亦
病

夜讀左傳有感

十二公看幾廢興。虛堂月伴讀書燈。笑他錢癖如和嶠。也與征南一例稱。

遊子行責山西田秀才

親老不歸養。卿爲無天地。離鄉二十年。釜鍾遠莫泊。況又鮮弟兄。晨昏望誰視。曾無銜索悲。孤負倚闔淚。不見老萊子。華顛學兒戲。可憐反哺鳥。啄粟迴高翅。養隆而敬薄。尙云非人類。裘馬何翩翩。音書亦嬾寄。可憶出門時。慈母理衣笥。長鍼縫密線。遲汝丁寧意。故衣棄何許。新衣換佩璫。臨岐千萬言。今無一字記。草枯還再榮。人老不復穉。移汝外嬖心。去作承歡事。詩教本溫和。巷伯有當罰。誰則生空桑。昏昏明發寐。

生當懷令名。死當畏惡諡。卿能悔心萌。谷風不終棄。

送僧歸廬山

量腹聊充松朮饑。度形好著薜蘿衣。江州子響若求見。何必便同宗敬微。

題吳石蒼納涼圖

火雲燭地天鬱蒸。三伏畏見陽鳥升。我肥非由義戰勝。喘汗思浴秋江澄。科頭赤腳北窗臥。嚼膚又苦侵蚊蠅。龍皮鵲翅扇難得。戲作冷語招諧朋。或言留雪蘇屬國。或言臥冰王休徵。或言千里凍窮髮。或言七日僵白登。或言太康二年事。橋下鶴語伊祁崩。就中得句最幽險。不周風黑吹鬼燈。相與大笑滌內熱。齒牙得利勝飲冰。舒鳧丹鹿二客名善消暑。扁舟徑訪魚山僧。翠柳百尺障雲日。紅葉一池雜荇菱。爽氣西來支頤受。涼風北至披襟承。此時炎歊避襍穢。清涼地上聞三乘。鑒公靜者復善畫。俗物求之百不應。偶然寫作納涼圖。景物生動疑飛騰。文沈之後作者少。賞不容口雙眸凝。諸公題句各雅健。我續貂尾良堪憎。袖中蒼毫老苦禿。抽祕自知力不勝。爾時倘邀河朔飲。一醉累月吾猶能。

齊威贊

戰國賢君齊威乎。朝周已與列辟殊。封墨又烹阿大夫。不在墨阿明褒誅。尤難駢戮毀譽徒。勸一風百寒姦諛。比周誰料亡其軀。以霸天下不難圖。何況區區東海隅。記得佞臣姓名無。列女傳云周破胡。

青門公六十初度賦贈

天上周卿月。人間漢客星。三弘開大業。四世紹遺經。褚少孫真拙。嚴彭祖最精。麟編勤肯構。鯉問篤趨庭。書粉朝乾蠹。鄰光夜借螢。下帷攻苦久。脫穎揣摩成。選造春官榜。明揚天子廷。廣川三策正。永叔萬言誠。白虎何同異。靈蛇自縱橫。金門方視草。玉尺會持衡。文體昭星日。人才別渭涇。騰霄申尺蠖。跋浪起長鯨。理學鵝湖貫。箋疏鹿洞明。蒲輪徵筆札。華轂聚簪纓。屈宋宜平視。鄒枚可抗行。螭頭旌異等。驢尾顯高名。朝重揆天藻。鄉推月旦評。江山助張說。車服錫桓榮。八桂搜南粵。連茅拔北平。儲君資豫教。卿尹仰賢聲。忽斷^{短音}幘雞尾。還嫌腐鼠腥。一生忠孝篤。三黨貨財輕。拂袖歸何蚤。懸車志不更。青門瓜可種。谷口稌堪耕。秋水宵飛蝶。春山曉聽鶯。觀魚原潑潑。伐木果丁丁。世態風飄籜。生涯雨打萍。丰標同嶽峙。度量若淵停。唾面能無校。磨牙屢息爭。遂消蠻觸戰。竟卻魯陽兵。止止生虛白。陳陳發汗青。昌明劉子政。淹博趙臺卿。鉛槧揚亭密。蓬蒿蔣徑局。新編還駕宋。通志直垂清。彤管芬三篋。黃金賤一簞。平淵龍是子。弄玉鳳爲甥。花縣皆餘慶。芸窗總寧馨。此時勤伏案。他日早書屏。賤子才華薄。明公禮數盈。邱成分宅誼。張裔買田情。華屋經年庇。醇醪竟夕傾。涓人千里馬。上客五侯鯖。敢倚知交盛。空傳姓氏驚。解驂來越石。執轡下侯嬴。凡定文章價。何曾甲乙焚。乍親能置腹。久敬亦忘形。義諦偏精解。清談每樂聽。貝多參半偈。蓮漏悟無生。海上沙鷗集。池邊野雁烹。安心脩止觀。俗慮不攪寧。別墅逃炎暑。澄湖濯晚晴。香山添逸老。洛社匹耆英。芝草三莖秀。菖蒲九節靈。正堪河朔飲。絕勝狄希醺。輞水開摩詰。鄰翁約老彭。與彭觀察鄒彭亦老壽陶然醉懷葛。此訣是修齡。

六月十八日喜雨作二首

大雨沛三日，旱魃逃不留。池魚撇波躍，直上階心游。北風吞廣廊，盛夏如涼秋。不愁月令改，且慰農人求。夏寒雨未歇，苔階水中沈。蒼蠅不耐冷，白鶴方鳴陰。萬彙奪炎勢，一昔含秋心。雷風亦何常，缺月懸高林。

李白山喪聰慧兒書此慰之

桑樹東垣去未迷，蘭摧那解艾榮悲。金環若索君須乞，晉氣羊祜前身是此兒。

書湖上所見二首

霓裳女兒玉簪花，留仙裙染金灘沙。晉人傳言織女死，爲之著服素縠紗。白楊蕭蕭吹故絮，鬼車雙飛掠鬢去。孟家德曜肥而黑，賈氏南風短又青。休笑阿承黃髮女，宿瘤千古勝娉婷。

畢二從征出塞寄贈

聖人籌邊振長策，會須滅此方朝食。百年逋寇在門庭，一奮天威爭獻馘。我夢彼曾狼咬腳，君料渠魁豕齧膝。華陰赤土拭干將，紫氣星光騰劍脊。斬郅支首懸藁街，此功莫讓他人得。歸洗甲兵包虎皮，定給鼓吹拜龍額。長鎗大戟吾不能，尚有毛椎紀奇績。

北征大捷五首

魯倫秋駕六蒼龍，大將從征門鑿凶。一指天戈戮鯨首，三年撻伐笑高宗。絕幕揚威自將邊，蜺旌霜鎧耀祁連。天山山外胭脂女，高奉壺漿跪馬前。